

আন্তর্জাতিক

শর্ত না মানলে হরমুজ খুলবে না, যুক্তরাষ্ট্রকে কড়া বার্তা ইরানের



প্রতিবেদক: প্রোব ডেস্ক

প্রকাশের তারিখ: বৃহস্পতিবার, ১৬ জুলাই ২০২৬, ০৮:১৩ PM



যুক্তরাষ্ট্র ইরানের নির্ধারিত শর্ত পূরণ না করা পর্যন্ত হরমুজ প্রণালি বন্ধই থাকবে বলে ঘোষণা দিয়েছে তেহরান। বৃহস্পতিবার (১৬ জুলাই) ভোরে ইরানের সেনাবাহিনীর এক মুখপাত্র এ ঘোষণা দেন।

ইরানি সেনাবাহিনীর মুখপাত্র মোহাম্মদ আক্রমি-নিয়া বলেন, হরমুজ প্রণালির ওপর পূর্ণ নিয়ন্ত্রণ ইরানের কর্তৃত্বে নিশ্চিত হওয়ার পরই এটি পুনরায় উন্মুক্ত করা হবে।

তার ভাষ্য, প্রণালি চালু করতে হলে যুক্তরাষ্ট্রকে গত মাসে হওয়া শান্তি কাঠামো চুক্তির শর্তগুলো মেনে চলতে হবে। পাশাপাশি ইরানের বিরুদ্ধে সব ধরনের বৈরী কর্মকাণ্ড বন্ধ করতে হবে এবং হরমুজ প্রণালি পরিচালনার ক্ষেত্রে তেহরানের নির্ধারিত নিয়ম ও নীতিমালা গ্রহণ করতে হবে।

তিনি আরও বলেন, যুক্তরাষ্ট্রের চলমান সামরিক হামলা কোনোভাবেই ইরানকে হরমুজ প্রণালি পুনরায় খুলে দিতে বাধ্য করতে পারবে না।

আক্রমি-নিয়ার এই বক্তব্যের আগে ইরানের বিভিন্ন শহরে নতুন করে বিস্ফোরণের খবর পাওয়া যায়। একই সময়ে যুক্তরাষ্ট্রের সেন্ট্রাল কমান্ড (সেন্টকম) জানায়, তারা ইরানের বিরুদ্ধে আরও এক দফা হামলা চালিয়েছে।

সেন্টকমের দাবি, হরমুজ প্রণালিতে চলাচলকারী জাহাজগুলোর জন্য যে সামরিক হুমকি সৃষ্টি করা হচ্ছিল, সেই সক্ষমতার সঙ্গে সংশ্লিষ্ট ইরানের সামরিক স্থাপনাগুলোকে লক্ষ্য করেই এই হামলা পরিচালনা করা হয়েছে।

বিশ্ব বাণিজ্যের অন্যতম গুরুত্বপূর্ণ নৌপথ হরমুজ প্রণালিকে ঘিরে ওয়াশিংটন ও তেহরানের উত্তেজনা ক্রমেই বাড়ছে। যুক্তরাষ্ট্রের সামরিক হামলার জবাবে ইরানও মধ্যপ্রাচ্যের বিভিন্ন স্থানে মার্কিন সামরিক ঘাঁটিগুলো লক্ষ্য করে পাল্টা হামলা চালিয়েছে।

এর আগে পাকিস্তানের মধ্যস্থতায় দীর্ঘমেয়াদি সমাধানের লক্ষ্যে একটি কাঠামোগত শান্তি চুক্তিতে উভয় পক্ষ সম্মত হয়েছিল। তবে সাম্প্রতিক হামলা ও পাল্টা হামলার পর সেই সমঝোতার ভবিষ্যৎ আবারও অনিশ্চয়তার মুখে পড়েছে।

সূত্র : আনাদোলু এজেন্সি

এ বিভাগের আরও খবর



লিবিয়া উপকূলে নৌকা ডুবে ৫০ অভিবাসন প্রত্যাশী নিখোঁজ
অভিবাসনপ্রত্যাশীদের বহনকারী একটি কাঠের নৌকা ভূমধ্যসাগরের লিবিয়া উপকূলে ডুবে অল্পত ৫০ জন নিখোঁজ হয়েছেন। ওই নৌকায় ৬০ অভিবাসী প্রত্যাশী ছিলেন।...



মার্কিন পঞ্চম নৌবহরে ফের ইরানের হামলা
বাহরাইনে অবস্থানরত মার্কিন পঞ্চম নৌবহরকে লক্ষ্য করে আবারও হামলা চালানোর দাবি করেছে ইরান। একই সঙ্গে দেশটির দক্ষিণ-পশ্চিমাঞ্চলে একটি মার্কিন এ...



টানা চতুর্থ দিনের মতো বাড়ল তেলের দাম

ইরানের সামরিক স্থাপনায় যুক্তরাষ্ট্রের নতুন দফার হামলার পর মধ্যপ্রাচ্যে বড় ধরনের সংঘাতের আশঙ্কা বেড়েছে। এর ফলে হরমুজ প্রণালি দিয়ে তেল সরবরাহ...



নতুন করে ইরানে মার্কিন হামলা, ট্রাম্পের হুঁশিয়ারি

ইরানে নতুন করে সামরিক হামলা চালানোর ঘোষণা দিয়েছে যুক্তরাষ্ট্র। একই সঙ্গে মার্কিন প্রেসিডেন্ট ডোনাল্ড ট্রাম্প তেহরানকে সতর্ক করে বলেছেন, ঐচ্ছিক...

Copyright Dhaka Probe

অনলাইন সংস্করণ পড়তে ভিজিট করুন: <https://www.dhakaprobe.com/international/shrt-na-manle-hrmuj-khulbe-na-juktrashtke-kra-barta-iraner>